

illud eiusdem, immò suis erroribus accumulans, cum neglectis aruspiciis moueri castra iussisset, seque confestim sequi, signifer diu obluētatus, multis etiam auxiliantibus vexillum educere non poterat: Quid hic rursus ostenti est? Trepidè fortassis eruebatur, quod audacter insertum humi fuerat, debuit ne ideò Ducis animus terreri? Contempsit hoc auspiciū & aruspiciū & Religionum omnium contemptor, quid egit nunc? Aduersantibus Dijs pugnavit, cecidit ipse cum exercitu, & insignis tunc Reipublicæ clades temeritate Ducis illata, hoc præsertim exemplo fidunt, ac nituntur auspiciorum assertores: Ego autem sicut temeritatem in Romano Duce non excuso, sic cōtemptū huiuscemodi nugarum non excuso, Flaminioque compatior, iniquissimis vso tam iudicibus quàm fortuna. Calliditas quidem Hannibalis nota est, qua cum sæpè alias, tum illo præsertim die victoriam quæsiuit. Ea vobis mihi credite Romani potius quam auspiciorum contemptus, aut stomachulus pullorum obfuit. Quid enim oro, Cornelius Scipio apud Ticinum? Quid Sempronius apud Trebiam paulo antè meruerant, ab eodem hoste

supe-